

Entrante 8 di juli 2015 tarifa di BAZV ta 2%

E tarifa di 1% ya no lo ta valido mas



ORANJESTAD – Departamento di Impuesto ta informa cu entrante 8 di juli 2015 lo drenta na vigor un cambio den e ley di belasting yama ‘Ordenansa nacional di belasting destinada pa AZV’ (Landsverordening bestemmingsheffing AZV) en corto ‘BAZV’. E cambio di ley ta encera cu e actual tarifa di 1% ta bira 2%.

Manera conoci, empresarionan ta esunnan cu tin cu paga BAZV na Departamento di Impuesto. Ta importante

pa e clientenan aki tene cuenta cu e tarifa nobo di 2% na momento di haci declaracion y pago di BAZV di e luna di juli, na augustus proximo.

En conexion cu e cambio di tarifa di BAZV, ta necesario tambe pa haci cambio den e formulario di declaracion. Actualmente Departamento di Impuesto ta haciendo e preparacionnan necesario y dentro di poco comerciantenan lo ricibi e pakete cu e formularionan nobo valido pa e periodo di juli te cu december 2015. □